



Broj: 01/3-50-1-3-38/09

Sarajevo, 17. novembar 2009. godine

Z A P I S N I K

38. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 17. novembra 2009. godine

Sjednica je počela u 12 sati.

Sjednici je predsjedavao predsjedavajući Komisije Slavko Jovičić.

Sjednici su prisustvovali članovi Komisije: Šemsudin Mehmedović, Mehmed Suljkanović, Salko Sokolović i Željko Kuzmanović.

Opravdano su odsustvovali: Jerko Ivanković Lijanović, Jozo Križanović i Ekrem Ajanović.

Sjednici su prisustvovali: Momčilo Novaković i Velimir Jukić, poslanici u PDPSBiH, Dušan Nešković, pomoćnik ministra vanjske trgovine i ekonomskih odnosa BiH, Seid Uzunović, šef odsjeka u MVTEOBiH, Medina Delalić, viši stručni saradnik za informiranje u PSBiH, Elda Hodžić-Isović, stručni saradnik u MVTEOBiH, Dobrinka Savić, stručni saradnik u Komisiji za vanjsku i trgovinsku politiku, carine, saobraćaj i komunikacije Doma naroda PSBiH, Sonja Abdulovski, stručni saradnik u Komisiji za vanjsku trgovinu i carine, Radomir Maarjanović, stručni savjetnik u Komisiji za vanjsku trgovinu i carine, i Emira Češljar, sekretar Komisije za vanjsku trgovinu i carine.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 37. sjednice,

2. Razmatranje Prijedloga zakona o duhanu BiH, predlagač: Vijeće ministara BiH, na osnovu člana 110. Poslovnika Predstavničkog doma, s amandmanima, radi dostavljanja Izvještaja Predstavničkom domu,

3. Tekuća pitanja.

Ad. 1. Usvajanje Zapisnika 37. sjednice Komisije

Zapisnik 37. sjednice Komisije usvojen je jednoglasno, bez primjedbi.

Ad. 2. Razmatranje Prijedloga zakona o duhanu BiH, predlagača Vijeća ministara BiH, na osnovu člana 110. Poslovnika Predstavničkog doma, s amandmanima, radi dostavljanja Izvještaja Predstavničkom domu.

Predsjedavajući Slavko Jovičić je u uvodnim napomenama istakao da je Vijeće ministara BiH, 2.7. 2009., uputilo Parlamentarnoj skupštini BiH Prijedlog zakona o duhanu BiH za razmatranje po osnovnom zakonodavnom postupku.

Predstavnički dom je na 63.sjednici, održanoj 4.11.2009., usvojio Prijedlog zakona o duhanu BiH u prvom čitanju.

Konstatirao je da su na tekst predloženog zakona blagovremeno dostavili amandmane: Momčilo Novaković – četiri amandman, Klub poslanika HDZ-a – dva amandmana i Slavko Jovičić – šest amandmana.

U raspravi su učestvovali: Momčilo Novaković, Velimir Jukić, Slavko Jovičić, Dušan Nešković, Seid Uzunović, Elda Hodžić- Isović, Emira Češljarić, Mehmed Suljkanović, Šemsudin Mehmedović, Salko Sokolović i Željko Kuzmanović

Komisija se izjasnila o amandmanima na Prijedlog zakona, kako slijedi:

Amandman I. Momčila Novakovića:

Iza člana 27.dodaje se novi član 28. koji glasi:

„Član 28.

(Sredstva za premije)

(1) Svaki proizvođač (fizičko ili pravno lice) ima pravo na premiju. Premiju proizvođač ostvaruje za svaki kilogram proizvedenog i isporučenog sirovog duhana tipa virdžinija, berlejš i hercegovački ravnjak.

(2) Sredstva potrebna za premiju osigurati će se opterećenjem svake kutije cigareta (proizvedene ili uvezene u BiH) sa 0,03 KM. Sredstva će se uplaćivati na poseban račun i služiti će isključivo ovoj namjeni.

(3) Ministarstvo će, u saradnji s entitetskim ministarstvima poljoprivrede i predstavnicima udruženja proizvođača (entitetske grupacije za proizvodnju i preradu duhana), donijeti pravilnik o uslovima i načinu ostvarivanja premije“.

Sa četiri glasa „protiv“ i jednim „suzdržanim“ glasom, amandman **nije usvojen.**

Amandman I. Slavka Jovičića:

U članu 29. u stavu (1) riječi: „pravna lica“ mijenjaju se riječima: „privredna društva“.

S tri glasa „za“ i dva glasa „protiv“, **prvi dio amandmana je usvojen.**

U istom članu 29. stav (2) mijenja se i glasi:

„(2)Nadležno ministarstvo donosi propis o minimalnim tehničko-tehnološkim i kadrovskim uslovima koje moraju ispunjavati privredna društva iz stava (1) ovog člana.“

S dva glasa „za“ i tri glasa „protiv“, **drugi dio amandmana nije usvojen.**

Amandman II. Slavka Jovičića:

U članu 31. u stavu (2) iza riječi: „cigarete na tržištu“, riječi „Bosne i Hercegovine“ brišu se.

S dva glasa „za“ i tri glasa „protiv“, **prvi dio amandman nije usvojen.**

U članu 31. u stavu (4) riječi: „i opremljenost“ brišu se.

S dva glasa „za“ i tri glasa „protiv“, **drugi dio amandmana nije usvojen.**

Amandman III. Slavka Jovičića:

U članu 32. u st. (2) i (3) broj: „50%“ zamjenjuje se brojem: „60%“.

S pet glasova „za“, amandman **je usvojen.**

Amandman IV. Slavka Jovičića:

„(1) Kvalitet duhanskih proizvoda uvezenih u Bosnu i Hercegovinu određuje se prije carinjenja i ispituje se u laboratoriji za analizu duhana i duhanskih prerađevina koju akreditira nadležni institut.“

S dva glasa „za“ i tri glasa „protiv“, **prvi dio amandmana nije usvojen.**

U istom članu u stavu (2) poslije riječi „carinjenja“ brišu se riječi: „tj. stavljanja u promet.“

S pet glasova „za“, **drugi dio amandman je usvojen.**

U istom članu u stavu (3) riječi: „laboratorija sa odobrenjem Ministarstva“ zamjenjuju se riječima: „ovlaštene laboratorije“.

S dva glasa „za“ i tri glasa „protiv“, **treći dio amandmana nije usvojen.**

Amandman V. Slavka Jovičića:

U članu 36. u stavu (1) riječi: „Ministarstvo u saradnji s entitetskim ministarstvima i Brčko Distriktom vode registre“ brišu se, a dodaju se riječi:

„(1) Nadležno ministarstvo vodi registre.“

U istom članu u stavu (1) u tački b) riječi: „Bosna i Hercegovina“ brišu se.

U istom članu stav (4) mijenja se i glasi:

„(4) Nadležno ministarstvo propisat će sadržaj obrazaca i način vođenja registra iz stava (1) ovog člana.“

S dva glasa „za“ i tri glasa „protiv“, amandman **nije usvojen.**

Amandman I. Kluba poslanika HDZ-a BiH:

U članu 36. u stavu (1) iza riječi „ministarstvima“ stavlja se zarez i dodaju riječi: „kantonalnim ministarstvima, a ostali dio teksta ostaje nepromjenjen.“

Sa jednim glasom „za“, dva glasa „protiv“ i dva „suzdržana“ glasa, amandman **nije usvojen.**

Amandman II. Kluba poslanika HDZ-a BiH:

U članu 38. u stavu (1) iza riječi: „ministarstvima“ stavlja se zarez i dodaje riječ „kantona“ a ostali dio teksta ostaje nepromijenjen.

Sa jednim glasom „za“, dva glasa „protiv“ i dva „suzdržana“ glasa, amandman **nije usvojen**.

Amandman VI. Slavka Jovičića:

„(1) Nadzor nad provođenjem odredbi ovog zakona i propisa donesenih na osnovu njega o proizvodnji i obradi sirovog duhana u listu provode nadležna ministarstva u saradnji s inspekcijskim službama.“

S dva glasa „za“ i tri glasa „protiv“, **prvi dio amandmana nije usvojen**.

U članu 38. u stavu (2) riječi: „nadležna tijela uprave zadužena za trgovinu“ zamjenjuju se riječima: „nadležne entitetske inspekcije i inspekcije lokalne samouprave.“

S dva glasa „za“ i tri glasa „protiv“, **drugi dio amandmana nije usvojen**.

U članu 38. u stavu (3) riječi: „nadležni organi Bosne i Hercegovine, nadležni za oblast poljoprivrede“ zamjenjuju se riječima: „nadležna ministarstva.“

S dva glasa „za“ i tri glasa „protiv“, **treći dio amandmana nije usvojen**.

Amandman II. Momčila Novakovića:

U članu 45. stav (1) tačka c) iza riječi: „ako ne omogući“ dodaju se riječi: „organizatoru proizvodnje i“

S pet glasova „za“, amandman **je usvojen**.

Amandman III. Momčila Novakovića:

U članu 45. stav (1) tačka f) riječi: „imalac radnje“ zamjenjuju se riječima: „proizvođač duhana“.

S pet glasova „za“, amandman **je usvojen**.

Amandman IV. Momčila Novakovića:

U članu 49. iza riječi „koja se bave djelatnostima“ dodaje se riječ „proizvodnje“.

S pet glasova „za“, amandman **je usvojen**.

Zaključeno je da je potrebno izvršiti nomotehničku obradu teksta Zakona i ispoštovati Jedinstvena pravila za izradu pravnih propisa u institucijama BiH.

Na osnovu člana 111. stav (3) Poslovnika Predstavničkog doma, usvojeni amandmani postaju sastavni dio Prijedloga zakona.

Komisija je, s tri glasa „za“, jednim glasom „protiv“ i jednim „suzdržanim“ glasom, prihvatila Prijedlog zakona sa usvojenim amandmanima, te će predložiti Predstavničkom domu da usvoji Zakon o duhanu BiH.

Ad. 3. Tekuća pitanja

Emira Češljar upoznala je prisutne s Prijedlogom zakona o dopuni Zakona o sistemu indirektnog oporezivanja u BiH, koji je proistekao iz Inicijative Mehmeda Suljkanovića na 37. sjednici Komisije i Prijedloga 37. sjednice Komisije da stručne službe ovu inicijativu, uz određene korekcije, pretoče u Prijedlog zakona.

Komisija je jednoglasno zaključila da predloži Predstavničkom domu da, na osnovu člana 126. Poslovnika, razmotri Prijedlog zakona o dopuni Zakona o sistemu indirektnog oporezivanja u BiH kao prijedlog Komisije i dostavi ga predsjedavajućem Doma u daljnju proceduru.

Sjednica je završena u 13,30 sati.

Sekretar Komisije
Emira Češljar

Predsjedavajući Komisije
Slavko Jovičić

.